



სატენდერო დოკუმენტაცია

გამწვანებული ტერიტორიის მოწყობის სამუშაოების (CPV-45112710)
სახელმწიფო შესყიდვა
გამარტივებული ელექტრონული ტენდერის საშუალებით

2016 წელი
თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ხარჯთაღრიცხვა.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5. პრეტენდენტს არა აქვს უფლება წარმოადგინოს ალტერნატიული წინადადება.

1.6. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

1.7. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი: ფრიდონ პეტრიაშვილი, ტელ: 202-27-22.

2. ტექნიკური დოკუმენტაცია

2.1. შესყიდვის ობიექტის ტექნიკური დავალება:

- საქართველოს დაზვერვის სამსახურის ობიექტზე (მდებარე, გარდაბნის რაიონის სოფელი სააკაძე) სამუშაოები უნდა შესრულდეს მოცულობათა უწყისში (დანართი N2) მოცემული მოცულობებისა და შემსყიდველის მითითებების შესაბამისად.
- მიმწოდებელი ვალდებულია მცენარეების დარგვიდან ერთი წლის განმავლობაში უზრუნველყოს მცენარეების 100%-იანი გახარება (საგარანტიო პერიოდში გამხმარი მცენარეები მიმწოდებლის მიერ უნდა იქნას ჩანაცვლებული ახლით);
- ნერგის ტრანსპორტირება უნდა მოხდეს სპეციალური კონტეინერების საშუალებით. ტრანსპორტირებისას მცენარეები დაცული უნდა იქნას გამოშრობისგან. მცენარე რომლის დარგვაც ვერ ხერხდება მცირე დროში, დროებით უნდა იქნას ჩარგული ნიადაგში. დასარგავი ორმოების სიდიდეს განსაზღვრავს მცენარეთა ფესვების ფორმა და სიდიდე. ფესვები ბოლომდე უნდა დაიფაროს მიწით იმ სიღმემდე, როგორც სანერგეში იყო ჩარგული. ფესვები კარგად უნდა ჩაიტკეპნოს მიწაში, რადგან ფესვებთან დარჩენილი ჰაერი ხელს უშლის წყლისა და საკვები ნივთიერებების შეთვისებას. დატკეპნისას არ უნდა მოხდეს მცენარის დაზიანება, რამაც შესაძლოა გამოიწვიოს მისი დაღუპვა. ორმოს უნდა მოცილდეს ბალახი და ამონაყარი მცენარეები რადგან დარგული მცენარე კარგად გაიზარდოს. ორმო არ უნდა ამოითხაროს წინასწარ, რადგან ის მალე გამოშრება და შემდეგ მცენარის ჩარგვა მოხდება მშრალ ორმოში.
- მიმწოდებელმა უნდა უზრუნველყოს სარწყავი სისტემების არსებულ 2 (ორი) წყლის რუხერვუარებთან დაკავშირება და გამართვა.
- შესრულებული სამუშაოები უნდა შეესაბამებოდეს ამ სფეროში არსებულ სტანდარტებს. სამუშაოების შესრულებისას საჭირო მასალების გამოყენების საკითხი უნდა შეთანხმდეს შემსყიდველთან სამუშაოების შესრულებამდე. თუ შემოთავაზებული მასალები ან/და შესრულებული სამუშაო არ შეესაბამება შემსყიდველის მოთხოვნებს ან ამ სფეროში არსებულ სტანდარტებს მიმწოდებელი ვალდებულია საკუთარი ხარჯებით გამოასწოროს შესრულებული სამუშაო ან შესთავაზოს შემსყიდველს მისთვის მისაღები სხვა მასალები.
- როგორც სამუშაოების მიმდინარეობის დროს პერიოდულად, ასევე სამუშაოს დასრულების შემდეგ საკუთარი ხარჯებით უზრუნველყოს ნარჩენების გატანა საკუთარი ხარჯებით.

2.2. სამუშაოების საგარანტიო ვადა:

- შესრულებული სამუშაოს ხარისხის საგარანტიო ვადად განისაზღვრება საბოლოო მიღება-ჩაბარების აქტის გაფორმებიდან 3 (სამი) წელი (დენდროლოგიის გარდა);
- სამუშაოების დასრულების შემდეგ საგარანტიო ვადის განმავლობაში რაიმე წუწის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუწი გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით. მიმწოდებელი ვალდებულია მცენარეების დარგვიდან ერთი წლის განმავლობაში უზრუნველყოს მცენარეების 100%-იანი გახარება (საგარანტიო პერიოდში გამხმარი მცენარეები მიმწოდებლის მიერ უნდა იქნას ჩანაცვლებული ახლით).

2.3. მოცულობათა უწყისი:

2.3.1. პრეტენდენტმა უნდა განაფასოს მოცულობათა უწყისით (დანართი N2) გათვალისწინებული ყველა პოზიცია.

2.4. სამუშაოების მიღება-ჩაბარება:

2.4.1. სამუშაოების დასრულების შემდგომ მიმწოდებელმა უნდა წარუდგინოს შემსყიდველს შესრულებული სამუშაოების ამსახველი ფორმა №2, რომლის სსიპ „ლევან სამხარაულის სასამართლო ექსპერტიზის ეროვნული ბიუროსთვის“ გაგზავნას უზრუნველყოფს შემსყიდველი.

2.4.2. სამუშაოების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ექსპერტიზის დასკვნის საფუძველზე.

2.5. ანგარიშსწორების პირობები:

2.5.1. სატენდერო წინადადებაში საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებით მიმწოდებლის მიერ გასაწევი ყველა ხარჯისა და საქართველოს კანონმდებლობით დადგენილი გადასახადების გათვალისწინებით.

2.5.2. ანგარიშსწორება მოხდება უნაღდო ანგარიშსწორებით ლარში.

2.5.3. ანაზღაურება განხორციელდება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 30 (ოცდაათი) დღის განმავლობაში.

2.5.4. დასაშვებია წინასწარი ანგარიშსწორება ხელშეკრულების ღირებულების 50%-ის ოდენობით, შესაბამის თანხაზე საბანკო/სადაზღვევო გარანტიის წარმოდგენის შემთხვევაში, რომლის მოქმედების ვადა მინიმუმ 30 კალენდარული დღით უნდა აღემატებოდეს სამუშაოების დასრულების ვადას.

2.5.5. დაფინანსების წყარო: 2016 წლის სახელმწიფო ბიუჯეტი.

2.6. სამუშაოების შესრულების ვადა:

სამუშაოების შესრულება უნდა განხორციელდეს ხელშეკრულების გაოფრმებიდან არაუგვიანეს 30 (ოცდაათი) კალენდარული დღის განმავლობაში.

2.7. საკვალიფიკაციო მონაცემების დამადასტურებელი დოკუმენტები:

ობიექტების უსაფრთხოებიდან გამომდინარე, პრეტენდენტმა უნდა წარმოადგინოს შემდეგი საკვალიფიკაციო მონაცემების დამადასტურებელი დოკუმენტები:

2.7.1 ცნობა შესაბამისი ადმინისტრაციული ორგანოდან, რომ პრეტენდენტის ხელმძღვანელობაზე უფლებამოსილი პირი (დირექტორი) არ არის ნასამართლვე.

2.7.2 ამ ტექნიკური დოკუმენტაციის 2.7 პუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული

ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.7.3 ამ ტექნიკური დოკუმენტაციის 2.7 პუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციას უნდა წარედგინოს მხოლოდ ერთიანი ელექტრონული სისტემის მეშვეობით მოთხოვნიდან არა უმეტეს 3 (სამი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე. შემსყიდველის მიერ შესაძლოა მოთხოვნილ იქნეს ამ ტექნიკური დოკუმენტაციის 2.7 პუნქტით გასაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენა ხელშეკრულების ხელმოწერის მომენტისათვის.

2.7.4 თეთრ სიაში რეგისტრირებული მიმწოდებლები თავისუფლდებიან ამ ტექნიკური დოკუმენტაციის 2.7 პუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების შემსყიდველისთვის წარდგენისაგან.

2.8. პრეტენდენტის მიერ სისტემაში ასატვირთი მონაცემები:

2.8.1. რეკვიზიტები დანართი №1-ის შესაბამისად.

2.8.2. სამუშაოების ხარჯთაღრიცხვა დანართი №2-ის შესაბამისად იმ დარიცხვების გათვალისწინებით რომელიც მოცემულია დანართი №2-ში.

2.8.3. ინფორმაცია სამუშაოების შესრულების ვადების შესახებ.

2.8.4. ინფორმაცია შესრულებული სამუშაოების საგარანტიო ვადების შესახებ.

2.8.5. ინფორმაცია გამოცდილების, კერძოდ, პრეტენდენტს უნდა ჰქონდეს მინიმუმ 2 წლიანი გამოცდილება ანალოგიურ სფეროში მუშაობის და გააჩნდეს არანაკლებ 300,000.00 (სამასი ათასი) ლარის ღირებულების მცენარეების მოვლითი ღონისძიებების, მცენარეების მიწოდება-დარგვის, რულონური გაზონის მიწოდება-დარგვის და სარწყავი სისტემების მოწყობის გამოცდილება. აღნიშნულის დასტურად წარმოდგენილი უნდა იქნას ხელშეკრულებები, მიღება-ჩაბარების აქტები, საგადასახადო ანგარიშ-ფაქტურები ან სხვა ისეთი დოკუმენტები რომლებიც დაადასტურებენ პრეტენდენტის გამოცდილებას.

2.8.6. მინიმუმ 1 (ერთი) სარეკომენდაციო წერილი დამკვეთი ან შემსყიდველი ორგანიზაციიდან.

2.8.7. ინფორმაცია პრეტენდენტის ორგანიზაციაში დასაქმებული მინიმუმ 1 (ერთი) აგრონომის შესახებ, რომელიც ტენდენტში გამარჯვების შემთხვევაში იმუშავებს აღნიშნული პროექტის შესასრულებლად.

▪ *სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ.*

▪ *გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.*

• *გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 2^ა პუნქტის საფუძველზე, იმ შემთხვევაში თუ ტენდერში*

ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 5 (ხუთი) სამუშაო დღეში უნდა წარმოადგინოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ.თბილისი

„-----“ „-----“ 2016 წ.

საქართველოს დაზვერვის სამსახური, შემდგომში წოდებული „შემსყიდველად“, წარმოდგენილი -----
----- სახით და -----, შემდგომში წოდებული „მიმწოდებლად“, წარმოდგენილი -----
სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. დღე, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - პირი, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს სამუშაოებს ამ ხელშეკრულების ფარგლებში.
- 1.6. „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.
- 1.8. „ექსპერტიზა“ - სსიპ „ლევან სამხარაულის სახელობის სასამართლო ექსპერტიზის ეროვნული ბიურო“.

2. ხელშეკრულების საგანი

გამწვანებული ტერიტორიის მოწყობის სამუშაოები (CPV-45112710).

3. ხელშეკრულების ღირებულება

- 3.1. ხელშეკრულების ღირებულება შეადგენს ----- ლარს.
- 3.2. სამუშაოების მოცულობები და ერთეულის ფასები მოცემულია ხელშეკრულების დანართში - ხარჯთაღრიცხვა, რომელიც წარმოადგენს ამ ხელშეკრულების განუყოფელ ნაწილს.
- 3.3. ხელშეკრულების ღირებულება მოიცავს როგორც შესასრულებელი სამუშაოების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

- 4.1. მიმწოდებელი ვალდებულია:
 - ა) განახორციელოს გამწვანებული ტერიტორიის მოწყობის სამუშაოების შესრულება, ხელშეკრულების დანართის (ხარჯთაღრიცხვა) შესაბამისად-----
 - ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

გ) სამუშაოების დასრულების შემდგომ წარუდგინოს შემსყიდველს შესრულებული სამუშაოების ამსახველი ფორმა №2;

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

ა) უზრუნველყოს ხელშეკრულების ინსპექტირება;

ბ) უზრუნველყოს მიმწოდებლის მიერ წარმოდგენილი ფორმა №2-ის ექსპერტიზისთვის გაგზავნა და დასკვნის წარმოდგენისთანავე მიღება-ჩაბარების აქტის გაფორმება;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

შესრულებულ სამუშაოებზე ვრცელდება გარანტია საბოლოო მიღება-ჩაბარების აქტის გაფორმებიდან --- წლის განმავლობაში.

6. ხელშეკრულების ინსპექტირება

6.1. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2. ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.

6.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ შესრულებულ სამუშაოს აღმოაჩნდება ხარვეზი, მიმწოდებელი ვალდებულია მხარეთა მიერ შეთანხმებულ ვადაში გამოასწოროს წუნი.

7. სამუშაოების მიღება-ჩაბარების წესი

7.1. სამუშაოების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელმოწერით.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2016 წლის სახელმწიფო ბიუჯეტი.

8.2. ანაზღაურება განხორციელდება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 30 (ოცდაათი) დღის განმავლობაში.

8.3. დასაშვებია წინასწარი ანგარიშსწორება ხელშეკრულების ღირებულების 50%-ის ოდენობით, შესაბამის თანხაზე საბანკო/სადაზღვევო გარანტიის წარმოდგენის შემთხვევაში, რომლის მოქმედების ვადა მინიმუმ 30 დღით უნდა აღემატებოდეს სამუშაოების დასრულების ვადას.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი

მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული სამუშაოების დასრულების ვადების დარღვევის შემთხვევაში (რომელიც აითვლება ფორმა №2-ის წარმოდგენამდე), მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.05%-ის ოდენობით.

10.2. წინამდებარე ხელშეკრულების 6.4 პუნქტით გათვალისწინებული პირობის დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.05%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.05%-ის ოდენობით.

10.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის --- ----- ჩათვლით.

15. ფორს-მაჟორი

15.1. წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17. მხარეთა რეკვიზიტები:

შემსყიდველი:

საქართველოს დაზვერვის სამსახური,
წარმოდგენილი _____ სახით,
მისამართი: ქ. თბილისი, კეკელიძის ქ. 4,
ტელეფონი: _____,
საბანკო რეკვიზიტები:
ანგ. № _____,
სახელმწიფო ხაზინა, კოდი _____,
სკ - _____

მიმწოდებელი:

_____,
წარმოდგენილი
_____ სახით,
მისამართი: _____,
ტელეფონი: _____,
საბანკო რეკვიზიტები:
ანგ. № _____,
_____, კოდი: _____,
სკ - _____

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის ხელმოწერა/ბეჭედი -----